

義甯州志卷第二十七

人物志

列女 前朝烈女 孝女 孝婦 國朝烈女 烈婦 貞文節 孝附

宋

太平鄉彭姑里彭氏生農家嘉祐中年十九從父泰入山採薪遇虎攫其父蹂躪數步女痛忿不勝拔及斫虎虎急棄去父得不死事聞詔曰彭氏奮身虎口活父命真烈女也賜粟一十石帛二十疋仍命有司歲時存問焉宋史

徐處士晝妻周氏幼慧習古文誡七篇長歸晝事上撫下皆

有禮里人緩急必賙之無所惜恥晝學不得志益欲教其

義甯州志

卷之二十七

人物志列女

一

子實至必手為具盡意厚遇寒暑勿懈里中某赴禮部試踵其門晝以故不欲見周曰士及門而辭以事非君所以欲教子之意也叱其子見之及行又資其囊若干徐分甯大姓其子皆好學恥不若人蓋周氏有助云伐檀集

處士積女章氏幼喜誦讀弄筆墨父母禁之與諸女相從夜

績待其寢乃自程課由是知書事父母以孝聞長歸雙井

黃某黃性豪甘酒大率常醉或使酒章咸以禮承客至則

嗟責辦罔勿怡然肅給歸不逮舅姑事夫所生母李如姑

禮盡愛盡敬季壽終遺言曰吾百無憾不忍舍孝婦去耳

甯俗所生母皆役於子婦聞章之風乃欣慕焉年三十四



夫沒男女俱幼毀瘠殆不勝喪既而曰我死則負託孤乃
致力窳窳事爲二子築室治生識者謂有男子之智烈婦

之節云

山谷
全書

康州太守亞父長女山谷姊黃氏生重瞳子眉目如畫玉雪
可念其爲女工皆妙絕人幼少能自珍重侍父母膝下依
依不忍離太守卒妻李夫人以孤女歸南康洪民師民師
母文成縣君李氏夫人母弟也有權智黃氏歸洪非太守
意怏怏逼之而後行爲洪氏生四男子曰朋芻炎羽年二
十五而卒民師登進士第爲石州司戶參軍奔父喪客死
文成君聞黃氏初不願行心少之故歸則得罪及舅與夫

義甯州志

卷之二十七

人物志列女

二

皆葬黃氏不得藏骨於其域焚而投諸江是時朋芻炎羽
未成人也後十四年夫人始知不得葬哭之不成聲曰使
是子安歸乎其兄弟無以自解說乃建洪氏之廟南康廬
山之下山谷刻毀壁辭於廬山石築亭以麻之髣髴其平
生而安之見山谷詩序

元

姜本道妻彭氏姜本源妻葉氏皆儒家女至正癸巳本道兄
翁從州判湯盤起義兵禦賊克復州治俱爲賊所害彭與
葉相訣曰甯死不辱彭自刎葉亦隨刎而死

武鄉高烈女年十七避盜匿巖穴中盜詰其弟得之誘以甘

言女曰吾死不從汝強之復大罵盜拔刃示欲殺乃忻然就刃顏色不變尋被害

明

海口鹽課副使胡以謙妾周氏金陵人永樂初謙秩滿上京死於兵周氏日夜號泣求屍得之欲死以殉父母止之曰夫之娶汝爲無後汝今有娠苟存胡氏一脉及千里歸槐汝責也奈何欲死越月果生子伯槐乃辭其父母同兄護喪歸葬里中豪程向昇輩慕其姿色爭賂娶之周氏斷髮誓不再嫁勤紡績撫孤有成時縣丞黎斌欲上其事周固辭乃已

義甯州志

卷之二十七

人物志列女

三

周氏始笄歸邑人徐仲英甫暮而仲英卒無子貧甚拮据事舅始誓死不改節舅始沒無所依奉三木主歸母家時妹在室擇良家子嫁焉紡績爲生孀居六十餘年

大使周瑾妻劉氏永樂中瑾任交趾金場大使瀕行泣謂劉曰夷土新附萬一叵測二親之養托在汝矣劉旣諾而復慰之後瑾死難計聞輒自誓曰夫能爲忠臣我獨不能爲節婦乎勤紡績孝養尊嫜三子皆受學有成

查勗已妻沈氏有婦道始患風疾出入扶持維謹穢器必親滌年二十九勗已以疾卒哀慟求死殉其姊諭之曰二子尙孩汝今方娠胡爲不思耶閔旬生子孟常居喪三年哀

號不輟既襄大事撫諸孤具有家法族子女貧不能嫁娶及死喪無殯殮者皆資之時稱為女中君子云

高市陳邦達妻冷氏有女德通孝經列傳治家有法嘗戒諸子去奢從儉諭出粟濟饑買義塚葬其不能葬者高年七

十有四大學士張東白公為墓誌

按冷氏前明賢婦依舊並載列女中府志另標

善婦誤載入國朝

泰鄉陳孟寶女陳氏為處子時母黃氏疾危醫不能療陳氏焚香籲天割股置糜中食之母病尋愈

高市陳鳳歧女陳氏節判查仲儒配也幼習女訓事舅姑孝養備至時家遭疫癘始徐氏在床褥家人悉遠避陳氏朝

義甯州志

卷之二十七

人物志列女

四

夕侍側飲食湯藥必親亦竟無恙徐病革以幼女幼甥女託之曰汝善撫育吾瞋目矣因感泣唯諾二女及笄皆為擇配厚妝以嫁鄉里稱之

泰市王廷當妻陳氏年二十一而廷當以疾卒陳氏守節數十餘年正德間有司上其事詔旌其門

吳仙里祝氏許聘武鄉盧榮年二十未歸榮病革女聞之欲赴永訣家人謂迨吉備裝奩女不聽亟往視之榮將屬纊矣女慰之曰君不諱我為立後遂斷一指為誓擇所親繼之躬紡績未嘗出門戶一日於靜室中浴竟更衣無疾而

卒時年七十有三

高鄉余漢妻黃氏漢卒黃年二十家貧無子服終姑欲令改嫁即誓以死姑不能奪守志五十餘年治婦事不出閨門卒年七十八

高市周季哲妻陳氏年二十三夫亡無子富家慕其容德厚幣聘之陳矢死靡他舅姑欲其改節五子分產於陳獨無食貧逾十年告諸舅姑請以夫從子周儼爲後由是始得分受產業儼遊州庠蚤卒撫孫周期大亦補增廣生員孀居四十九年壽七十有二

奉鄉王公顯妻周氏夫亡年二十六生子伯球時在襁褓齧指誓終平生奉姑之禮尤備前巡按御史李移文嘉獎以

義甯州志

卷之二十七

人物志列女

五

子伯球貴封太孺人年七十餘而卒

高鄉李模妻岳氏年二十四守節撫孤子仲薰娶姚氏年十九仲薰亦蚤世姑媳紡績相依爲命矯矯雙節鄉人賢之岳年七十五卒

奉鄉王公庭妻查氏年二十一夫沒無嗣守節姑雷氏因哭子喪明查氏竭力奉養終身未嘗少怠始死祭葬如禮

仁鄉冷安民妻盧氏年二十四夫亡無子其母欲改嫁之盧誓死守志不可奪家甚貧躬織紉以自給壽六十六

泰市王廷鳳妻陳氏年十九守節嘗以查門沈節婦爲嘆蓋其所親而有志慕倣之者孀居三十年雖劇病不面醫閨

門肅然卒年五十有九

崇鄉陳沛妻章氏年二十四守節知州蔣芝奉巡按御史李書匾旌異

高鄉石勝安妻黃氏年二十二喪夫守節撫孤有成卒年七十有六

秦市幸善繼妻車氏年二十六守節子方七歲撫以成立卒年八十有二

高市陳說模妻李氏散官九思之女笄歸事舅姑克盡婦道說模艱於嗣爲廣置媵妾遂生子二遜之存之愛若己出說模授官上林苑監錄事卒於京李氏攜諸孤扶柩行數

義甯州志

卷之二十七

人物志列女

六

千里越四月抵家無虞事寡姑章氏克孝賑荒周乏賢行頗多有司屢表其閭卒年七十有六

高市礫坑槐邦女庠生周期化妻章氏夫卒年二十五剪髮繫夫首誓不改節遺腹生子希夔補廩生未仕而沒復撫孫先登亦廩於庠嘉靖辛酉年踰七十通學投牒有云一片丹心願隨夫死半生殘喘冀爲孤留當道數下有司表宅優異年八十有六子夔妻鄧氏亦蚤寡紡績爲生撫孤終始卒年六十五鄉里咸謂雙節云

武鄉帥汝蘭妻張氏年二十五守節子方五歲撫以成立媳卒又勞於撫孫縞素自持事後始惟謹年七十六卒

周先春妻熊氏相春二年春没子甫半歲貞操性成純孝天
植辟纒訓子周必強應天啟中拔貢院司上其事奉
旨建坊詔旌其門曰令德天申

陳欽謨妻查氏年二十謨没矢志靡他葬若翁復葬若姑撫
孤子又撫孤孫州守黃公文麟表揚之以勵幽貞

陳以翰妻盧氏年二十四翰歿無子撫二女織紉惟勤足不
踰閩荆布茹淡貞守五十餘年聞於州守林公之翰匾其
門曰貞節

石仙嶽妻周氏深明女教母王氏病草屬續禱神剖股和粥
以進母療州守旌之

義甯州志

卷之二十七

人物志列女

七

甯州同知張士璵妻王氏端莊寡言不事矜飾御下以慈經
年無厲色會闖寇陷城璵投楚舉義兵王氏避寓奉鄉山
中賊兵索急王氏以二稚子付其僕行焚香告天再拜大
呼夫名曰夫盡忠婦死節兩無憾也整衣自縊死

附傳

陳欽寶妻盧氏居處端嚴孤貞四十餘載和熊教子陳嘉璵
壬午鄉薦院憲累給匾絹以獎冰操

程其材妻李氏程九萬程衡之母也夫早殞苦操五十餘年
訓子一經俱應歲薦筠心霜節蒙臺使獎勵

徐激泉妻黃氏年二十四守節克勤克儉撫孤成人長師孔
業儒次學軻任涿鹿衛經歷次時用遊庠諸孫彬彬豐亨

孀居紡績買地葬姑及夫有司屢旌其閭卒年八十六
陳嘉祚妻石氏庠生懋功之母年甫十九祚沒辟纊饒姑晝
菽訓子孀居六十餘年八十有九卒

吳都宋昇吾之女宋氏適泰鄉何希欽年二十八崇正癸未
希欽從兄定遠統兵會勦靖安土賊師潰陷沒定遠痛激
泣請撫院調官兵再勦身爲前鋒戰於干洲桃樹港擒賊
渠李宿十斬首以祭希欽宋氏痛夫死難誓不再醮緝績
機杼延師以教諸孤子汪浩皆有文名州守詳請建坊值
兵火未果

武鄉桃坪周仲舉妻古氏明天順時仲舉卒遺穉甫閱月氏

義甯州志

卷之二十七

人物志列女

八

守節撫孤賑濟貧乏毋吝捐田山置義塚其懿德善行如
此卒年七十有九

州治陳讓甫妻姚氏年及笄適讓甫暮年生女芷姑讓沒氏
力貧撫養誓不二天女長配周淑湘生子季麟季鳳皆登
進士第爲名臣識者以爲姚氏懿德之遺云

崇鄉馬均車翰選妻廖氏湖北探花廖廷彥之女性恭謹幼
通孝經內則明崇正間氏年二十四翰選奉命勦寇死於
陣氏聞之一慟垂絕家人救之漸甦少頃指二孤曰所不
即從地下者恐爾父罪我也事公姑畢則往矣自是苦志
自守敬事翁姑始病篤氏齋戒默禱引刀割指熟而進之

病立愈有司上其事臬憲額旌節孝天聞

以上宋元明節孝貞烈婦女及善婦女俱依舊志及考

諸書各家譜編入

孝女孝婦

仁鄉樊仕塏女法英生而敏慧容度端莊性至孝年十二母
吳氏多病弟永鐄甫七歲英服侍不離左右時父疾復亟
諭英曰吾病不起爾病母弱弟不能相依爲命先緒將何
存英泣對曰父安家之福也萬一不諱事母撫弟女之責
也父母踵亡英哀毀骨立爲謀窀穸所紀綱家政智邁成
人及笄眾慕求聘英蹶然曰吾若適人幼弟孤立先緒墜

義甯州志

卷之二十七

人物志孝女孝婦

九

矣奈何乃自矢終身不字爲弟娶李氏生子七曰庠曰序
曰校曰良曰會曰楨曰全未幾永鐄夫婦又相繼沒英復
撫七姪以始道代父道督耕課讀均至成人久之家饒乃
退休於里中坑背山前州刺史林春澤題曰孝女山刺史
臧振榮題曰貞姑嶺乾隆間進賢進士樊駿題其墓曰貞
孝佳城厥後永鐄子孫蕃衍萬餘皆英撫孤之力也生明
正統庚申沒嘉靖癸未年八十四葬大坪崙蓮形七姪裔
崙祠崇祀世饗不衰翰林院編修許振禕以孝聞奉

旌

國朝

安鄉姜允茶女菊英父病篤以子幼囑女後事母病亦如之及沒菊英遭遺命獨肩家政弟長昏教成立伯叔促之嫁菊英堅不許諷諭再三遂剪頰毀容以見志以孝女卒成孝子鄉人至今頌之

仁鄉冷純如妻姚氏順治二年楚賊肆掠純如年十四避亂黃龍山時有純如被擄之謠妻父某謀別字氏年十六聞其期佯爲不知一夕竟奔冷門拜其姑姑愕然問爲誰曰汝媳也聞夫賊擄父有別字意姑貧老無依不忍也姑喚其子出遂成合卺禮生子五仲孟吉性直而介生子士紅

世代昌熾人謂貞婦之報云

補編

義甯州志

卷之二十七

人物志孝女孝婦十

崇鄉周孔序女德貞父沒母陳氏哭夫喪明德貞遂自矢曰吾與母相依爲命敢他適乎因事母以終其身母將卒析兄弟產以與之德貞持齋茹素以所餘濟鄰里之貧言及父母輒泣下如初喪時人稱貞孝女云

奉鄉生員熊勃妻許氏訓導許一愚之姊事姑惟謹姑病割左股肉和葯以進病頓愈康熙七年時事知州程起周匾旌儒門孝婦

貢生周子角妻朱氏事舅姑以孝處妯娌以和接族鄰以敬御賊獲以慈雍正七年其姑積病瀕危氏割股調救獲愈年近五旬實志以歿眾共悼之

廩生胡聖緒妻陳氏明經陳昌言長女也幼聰敏授以書過目輒成誦及笄歸胡溫柔恭順內政無缺值其舅崇憲卒公車氏掖姑迎柩河干哀動路人後奉侍寡姑二十五年先意承志無須臾失其歡心夫家與母家居甚近氏晨夕問視父母始終不怠及病劇持老姑與母衽曰吾無所恨但未及終吾老者養耳子恂德慚德容德環床涕泣惟勗以讀書繼志及其他卒年四十七鄉里賢之

崇鄉太學生胡文炎妻查氏夫歿氏年二十八矢志不奪孝養舅姑己酉歲姑病篤不能起醫以參茸進不效氏遑遽無策六月十三夜炷香祝天以齒齧左膊手利及以割一

義甯州志

卷之二十七

人物志孝女孝婦

上

鬻和湯進食於姑越一夕神氣踈爽而病起撫三孤成立孫曾纒膝年六十五

武鄉帥亮工妻陳氏姑段氏病劇昏不省事陳氏憂之遂默禱諸神私入後院以及剗其左股煮肉爲湯持灌姑口中甫下咽姑霍然醒疾愈後知陳氏割股事執手泣曰此吾門真孝婦也太史徐文幹萬承風先後訪其家美其孝序而傳之

武鄉千戶吳萬鵬妻黃氏素事翁姑惟謹乾隆乙卯始李氏患氣疾甚危醫藥無效氏焚香默禱執匕首割左股肉和湯以進始食之甘氣疾漸平數日而愈事聞分府羨及州

學正吳旌以純孝格天後李氏親見五世同堂壽九十三人稱黃氏之孝感云

西鄉太平嶺黃勝選妻楊氏年三歲乳抱於黃舅姑早喪賴叔祖母杜氏撫成之後杜病危醫葯無效楊氏焚香告天引及刲股以進杜病愈延年楊亦以壽終其媳盧氏夢星妻也夫病篤刲股救愈鄉里竝稱姑媳之賢云

奉鄉太學生榮成瑛妻劉氏性最孝嘉慶乙丑夫往省其父於江南儀徵衛署氏與嫡姑及二幼女在家姑病劇諸葯罔效氏夜闌焚香籲天持刀刲左股煮糜和肉以進姑病遂愈越年餘而卒舅告老歸患瘋疾不能行氏孝謹事舅

義甯州志

卷之二十七

人物志孝女孝婦

三

一如事姑十餘年不懈子三長星吉候補衛千戶叔季業儒

以上孝婦女十名仍道光甲申志編入

崇鄉盧鉅乘妻丁氏事翁姑篤孝樂區滌灑恒資紡績雍正丙午姑冷氏病危氣息奄奄醫藥無措氏焚香默禱刲左股和糜以進病遂痊

福建巡檢丁良進女鶴貞幼敏慧工吟咏孝行節義輒流墨表母病刺血和藥以進夜侍寢榻達旦不懈適本州庠生陳雯曜以懷母成痍未暮年卒著有鶴影樓詩稿梓行

崇鄉溪口周典訓妻梁氏同治五年秋境大疫始梁氏年七

十餘染痢數月不愈氏切身扶持與同眠起燃湯滌禪必躬親之及殆泣曰非此婦吾死久矣子鴻奎善讀書家貧俸無所出必稱貸親朋負笈從師鄉里賢之

崇鄉鳳源陳明峯妻吳氏少家貧夫遊陝三載姑盧氏目盲衣食皆於吳取給吳竟夜紡績易米以啖姑晝則攜二子采茶自食勤苦百倍卒能成家稍裕親族貧乏者累日給食無吝色長孫文謨幼失怙吳教養成立蜚聲邑庠壽八十三

仁鄉盧馨妻樊氏馨病殲割左股肉和藥進之病立愈舅姑喜甚氏終不以爲言

義甯州志

卷之二十七

人物志孝女孝婦

三

崇鄉周名揚妻陳氏性貞淑名揚病瀕危氏披髮焚香割股和藥進之病尋愈咸豐十年呈請詳旌

西鄉丁席賓妻周氏孝敬性成席賓病瘵氏割股以醫病瘵咸豐五年粵匪犯境席賓陣亡氏隨姑逃賊追刃傷左脇猶抱姑弗釋賊憐而舍之

武鄉何思誠妻艾氏年十五歸何翁早世事姑綦得歡心閱數十年如一日歲甲寅粵賊將犯境鄉鄰洶洶驚走氏語家人自爲計始老不能行獨身護之賊至索財物不得縛其姑且殺氏顛頓地曰姑何辜請以婦代滄泣呼號血漬頭面賊惻然釋而去尋攜姑避處里中風門嶺始見路高

而險行人暑渴心甚憫之氏即屬男捐貲平道建亭以成
始志越數年姑病氏親奉湯藥不就枕席者二十餘日姑
沒哀毀成疾踰月卒

仁鄉鄉飲盧煦春妻胡氏歲貢生毓松之母自幼伉儷最篤
誓同生死夫六十一病劇胡氏焚香告天割股以進病遂
痊年八十餘同逝鄉里異之

仁鄉傅仲方妻冷氏待詔采芸女也母疾歸省侍奉勤勞疾
危夜半焚香告天割左股肉藥粥以進疾稍瘥逾年母沒
氏亦哀毀抑鬱而死父憫其孝爲置墓田數畝

仁鄉東臯冷忠恂妻朱氏數歲時爲姑養媳姑疾焚香告天
義甯州志

卷之二十七

人物志孝女孝婦

西

割股和藥以進病頓愈姑知之曰真孝婦也

西鄉丁品元妻晏氏有至性品元沉疴醫藥罔效氏焚香籲
禱割股肉煮藥以進病立愈

西鄉黃星岡妻朱氏星岡病危朱割股和藥進之每日焚香
祈天願以身代既歿痛哭踣地親鄰勸慰稍安勤儉持家
撫兒成立鄉里賢之

前湖北宜都典史保陞知縣龔葵陽妻查氏年二十于歸事

翁姑極孝姑徐氏病篤氏刺血和葯以進尋愈姑性好善
見有棄婦溺嬰者輒保全之歿後氏勉承姑志雖屢質簪

珥不惜家人嘗夢姑語曰孝如吾婦吾無遺憾矣汝輩當
效之

年六十卒

國朝

烈婦烈女

高鄉太學周先昇妻劉氏東鄉劉治中君聘之女太常卿周
澣西冢媳也適周克盡婦道順治乙酉闖賊入甯標掠四
出人民離散劉氏奉母避亂於崇鄉之中礫山寇猝至露
白及欲傷其母劉氏以身衛母罵不絕口賊益怒劉氏計
無所出嚼舌吐血遂與母俱被害賊去里人葬之後其子
必端必誼爲之勒碑曰劉氏救母殉節處其地崇林密蔭
雖樵夫牧豎亦罕至迄今數十年古碑屹立蔓草中其幽
光耿耿有不可磨滅者與

補遺

義甯州志

卷之二十七

人物志烈婦烈女一

武鄉下垵時展臣繼室帥氏二十一歲適時生一子晨夕勤
紡績以奉舅姑甘旨視夫前妻之子宗端如己出順治乙
酉六月闖寇四掠時其夫館瀏陽氏攜二子家居猝遇賊
至並擄而去氏罵賊不行賊逼以及行至水潭崖遂抱子
投崖下而死越數日宗端逃歸以告家人往視之面如生
時年三十一歲後貢生許一愚爲作烈婦歌

補遺

溫捷生妻涂氏孀居守節乙卯冬楊白巾寇州城涂攜女菊
貞子奇梧自上坑而走高垵忽賊分道而出母子驚散涂
抱女匿南姑橋溝饑凍八日恐被污不出女先死涂抱懷
中旋與俱歿

許易妻王氏年甫三十身方有娠值楊逆寇氛避亂深谷一日夫出賊眾搜山氏恐被污引刀自刎賊見駭逸同難人復集救甦次日舉子一愚氏旋氣絕伯母李氏取乳養之廩生王頤妻張氏生員廷獻之女頤聰穎絕倫力學早卒氏即誓死從夫營葬畢闔戶自經死家人檢視笥中其身後衣履殮具悉已預備卒年二十有九乾隆三年 旌

武鄉田浦湯永文女招始幼許奉鄉懷都羅甯遠爲妻年甫十五甯遠卒女聞欲往送歛不得因櫛沐更衣自縊寢室兩家父母爲之合葬乾隆三年 旌

懷遠都廖會文妻溫氏年二十餘居下武鄉高嶺種薯粟自

義甯州志

卷之二十七

人物志烈婦烈女

二

給伉儷甚諧有伍阿四與廖有鄉誼閒過其家一日瞰廖出以金挑之氏叱之以厲聲潛入內納及袖中自衛伍強欲污之氏即抽刃刺伍奪而反刺斷其吭而死州刺史許淵往驗密偵得伍按律治之遂以溫氏烈狀聞奉

旨旌表建坊入祀節孝祠時乾隆七年事也

懷遠都王亦貴妻李氏生一子一女年方二十四而貴死矢志殉夫母聞遣眷防閑甚密月餘氏以言給守者攜子女往鄰家閉戶自縊

劉正笏妻余氏年二十四夫亡以簪刺喉而死乾隆三十三

年 旌

奉鄉清水余德憲妻陳氏年及笄歸德憲數載不育私爲夫
置側室未幾德憲病卒氏年二十五比葬誓必欲與夫同
穴自投穴中救之乃解泣請於姑立姪爲後姑許之氏朝
夕披麻衣伴靈筵者百日遂絕粒而死乾隆四十九年
旌表建坊於三溪口

崇鄉馬市畢氏女許字同里某氏子某家貧未能成禮未婚
以疾沒父母謀再擇壻女伴託三年服終方可至期潛往
夫墓焚香號泣歸即經死乾隆中事舉人朱之麟有

詩紀其事

前湖北保康知縣陳世章妻朱氏嘉慶元年匪賊曾世興倡
亂眾至萬餘保康故無城戰守寡策賊蜂擁入署擄掠一

義甯州志

卷之二十七

人物志烈婦烈女

三

空朱氏懷印綬端坐寢室賊索印急持刃脅之朱氏叱曰
我朝廷命婦官印在此汝何敢奪與汝印死不與汝印亦
死我願速死賊怒遂以長戈貫其胸朱氏竟懷印以死未
幾王師征討羣賊盡殲事平士民殮棺葬於保康縣學
宮前宜昌同知楊開鏡題曰忠烈夫人墓爲之志

其畧曰孺人姓朱氏江西甯州人也族本書香幼嫻閨訓
于歸陳氏淑慎宜家隨任光遷勤儉佐治迨嘉慶元年二
月土賊曾世興作亂陷城孺人懷印綬坐寢室方將守禦
之是謀詎意狼羣之大至於是嚴申大義遑顧戕身唾罵
百端致遭殞命長戈貫脇猶忿忿以捐生白刃洞胸益喃

喃而不已此真貞烈 旌表宜膺挹彼高風大堪警俗嗟
夫垂綱常於巾幗姓氏俱香留正氣於閨闈儀型足式讓
次梗概用奠貞魂八年輿柩歸葬啟視宛然如生十年巡
撫倭什布奏朱氏死節狀請祀節孝祠給銀建坊

仁鄉東臯冷秀廷妻樊氏家貧姑老其夫備力給饘粥氏負
薪供爨火一日拾柴山中盧某欲污之氏叫喊地僻無知
者力拒再四遂致殞命當事置盧於法奉

上諭該氏守貞不從被擄身死洵屬節烈著給銀三十兩建坊
古城嶺牌位入節孝祠

奉鄉懷都增廣生李殿登妻邱氏殿登力學家貧歲藉館穀

義甯州志

卷之二十七

人物志烈婦烈女四

爲贍養氏親操井臼力持中饋連生數女殿登憂無嗣氏
慰之曰大丈夫患功名不成何憂子嗣不繼乎盡力勉所
學殿登躋之丁卯秋試落解病歸卒氏哭不成聲親爲殯
殮剪髮入棺伏而號曰夫憂無子今真無子矣夫死從子
妾真無所從矣惟從吾夫於地下耳跪而起入戶權門梳
洗更衣從容投繯而死

泰鄉羅允麒妻堯氏市茶驛亭羅病將死謂堯氏曰汝一身
不能活數口我死汝必他適氏泣曰上有老姑下有幼子
妾去死饑寒矣因截髮以誓夫沒氏營葬畢勤紡拾穗供
俯仰者二年不給姑引鄰媪交勸改醮氏忿然取剪斷其

食指姑知不可奪陰與奸媒密謀受人金強縛嫁之氏覺即取笥中線布鬻於隣嫗得錢償債餘市香帛乘夜往拜夫墓投深池死里人聞知鳴於官州刺史周澍召姑切責置奸媒於法買棺殮葬書烈婦堯氏墓時戊寅三月日也陳思汝妻查氏歸陳伉儷甚篤值夫病奉侍湯藥累月百計求痊不得籲天願以身代而夫竟沒哭無常聲兀坐無語如醉如痴諸娣姒勸慰之終不省絕食七日卒

貢生胡履祥長女幼許介賓王定原子交庭年二十尙未于歸交庭往省應試歸患病卒於途女聞計號慟嗚咽告其父母曰兒命薄未歸王而失所天是終身無所歸也願從

義甯州志

卷之二十七

人物志烈婦烈女

五

夫子於地下慎勿以兒爲憂轉重兒罪言訖絕粒而卒聞者哀之翁姑爲迎柩合葬而以孫繼其後

安鄉龔世念妻陳氏年二十一生一子法甫週歲夫沒氏即號痛投繯家人奔救乃免遂強起啜粥飲水朝夕哭聲不絕口百日後喪葬事畢絕粒而死

武鄉蔓江莫遜璣妻陳氏年二十六尙未于歸聞夫病篤涕泣請於父母曰兒以身許莫氏即爲莫氏婦也今夫病危兒願往視父母不許氏泣請再三不得已乃告其夫家迎之比氏至夫阼危待斃氏奉侍湯藥不寐者數夕夫沒氏號痛欲從夫地下翁姑力勸堅不飲食數日卒時嘉慶八

年四月初一日也乃以夫兄之子繼其後與夫合葬來蘇之源咸豐元年 旌

河南營參將李崑次女慶蓮幼許鎮洋縣丞冷豐年長子忠棣年十九病沒時慶蓮年亦十九從父官天津冷氏訃音至參府故秘匿不使聞知適以事他出慶蓮檢書得之慟甚母張淑人反復勸諭慶蓮曰忠臣不事二主烈女不嫁二夫吾父 天家臣容有二婚女哉誓以身殉不旬日慟極而終時嘉慶二十四年八月事也慶蓮性聰慧授以詩書過輒成誦喜讀列女傳手錄成帙衆府甚愛之及沒泣請於河南學使盧公浙爲銘其墓

義甯州志

卷之二十七

人物志烈婦烈女

六

武鄉東許袁列妻胡氏贈同知胡宗定長女幼諳詩書年十七適列列隨父珥官楚氏從之列得病甚危氏百計求禱不效及沒氏即投繯自殉家人奔救氣絕復蘇遂扶柩歸里一切喪葬獨力措置事既畢有諷之改醮者氏乃仰天長號曰吾舅姑遠隔千里諸叔皆幼吾遺女子孤苦伶仃不能從夫地下豈吾志哉安敢以降志辱身貽父母舅姑羞遂憂憤成疾卒年二十三

以上烈婦女廿一名仍道光甲申志新舊一類編入

奉鄉儒士王聘三妻李氏聘三嗜學早卒氏年二十生子一甫數月氏慟不欲生翁姑再三慰之乃強起奉事舅姑唯

謹鞠育兒媳辛苦備嘗有諷之改醮者氏撫膺矢之曰從夫地下余志也安肯降志貽父母舅姑羞遂憤恚成疾卒咸豐二年呈請 旌表彙建總坊

仁鄉訓導冷煜瀛妻盧氏咸豐四年氏聞煜瀛禦賊陣亡持械奔掠且擊且罵立時被害奉 旨旌表互見煜瀛傳

湖南隆回司巡檢冷梅開繼妻徐氏咸豐三年梅開卒於官氏扶柩歸里寓城南五年城陷罵賊被害賊未入城時氏顧其子向陽女蒲貞泣曰我以夫子世受 國恩一死何惜汝其逃之向陽不忍棄母走卒與妹蒲貞僕三吉俱殉孫德虎時年十二親見其事逃出備述之

義甯州志

卷之二十七

人物志烈婦烈女七

生員張濟美妻何氏咸豐五年城陷濟美被執氏抱幼女投井死互見本傳

鄉飲徐廷純妻胡氏與冷徐氏同寓南門城陷二氏相與語曰身亡節著吾死所也遂自縊

未入流查樹芬妻左氏咸豐五年城陷芬語氏曰事急矣早自爲計氏曰夫死忠婦死節分也敢改活自辱哉遂縊子女亦自刎死

未入流向成錦妻熊氏州治人咸豐五年城陷氏擲刀殺賊不中身受二鎗倚柱痛罵而死同室有安鄉龔世常妻時氏慟夫被殺亦罵賊死

州治何象成妻李氏五品頂戴江蘇候補縣丞何森之母咸豐五年城陷賊擁入李氏疾聲痛罵賊殺之子巨才持刃奔掠被執磔於市時姊姒劉氏姪婦徐氏郭氏姪女佛秀菊秀福秀見賊鋒銳甚均赴水死

武鄉生員林炳南妻張氏咸豐五年城陷氏在室聞翁巷戰死隨置幼兒櫬中閉塞自投縵死一門三代頃刻捐軀聞者哀之

仁鄉孔目冷廣修妻盧氏子一年二十四夫歿氏哀毀極至死而復甦旬日不食歿

監生徐慶齡妻胡氏州治人先是家人聚處氏每以古今節

義甯州志

卷之二十七

人物志烈婦烈女八

烈事相曉譬咸豐五年五月城陷賊四出荼毒氏聞夫弟子姪等九人被害撫膺大慟謀殺賊賊環攻益急氏與夫弟玉山妻雷氏同罵賊死猶子盈琢妻余氏盈琮妻李氏盈璿妻梁氏女完貞以石擊賊觸刃貫胸死

從九陳有典妻余氏州治人女爲石文漪妻咸豐五年賊攻城有典奉委巡查氏以大義勗之攻益急謂女曰婦失節不可爲人不幸城破有死而已毋貽夫兒辱及陷有典先遇害氏攜女共投井賊以手援氏大罵賊怒擊之立斃

州治庠生王離照妻陳氏咸豐五年賊攻城急離照語之曰吾死分也爾年少如何氏曰妾與君受國恩等也萬一

不幸同死而已城陷夫婦同投龍王井死互見離照傳

監生陳泰岑妻董氏泰鄉松坪人咸豐四年二月賊犯境氏偕里中婦女數十人潛避窖鼓巖賊搜獲之投身高崖支

體撞斷

職員熊遐齡妻汪氏咸豐五年賊陷城大索氏夫季第力禦死之氏與季姒周氏訣曰事急矣可奈何甯死毋辱時長幼被戮者數口氏與周相繼自刎

職員何廷華妻劉氏咸豐四年其子榮漢奉憲督辦防守五年賊攻州城囑其子將所藏銀錢付局以資軍餉城陷罵賊而亡

義甯州志

卷之二十七

人物志烈婦烈女九

奉鄉附貢生張酉書繼室石氏咸豐四年四月粵匪竄境酉書及石氏未及逃避賊至執酉書石氏請以金贖賊不知其給己也釋之旋索婦金婦不與且罵賊怒殺之火其屋焚其尸見者爲之掩泣

州治甘若霖繼妻黃氏偕其姪婦黃氏女菊秀姪女桂秀鄰婦徐肇勤妻甘氏咸豐五年城陷賊擁入同聲大罵均被害

武鄉戴邦平妻王氏咸豐六年粵匪竄銅鼓邦平被擒殺氏聞忼慨投河死事平聞於官入祀州省節孝祠

仁鄉冷遇洪妻岳氏咸豐五年四月十七賊竄東臯執其夫

欲殺氏奮身拚救乃得免罵不輟賊怒及其幼子輔任氏
自刎

查占慶妻余氏子二夫故時年尙幼氏甘貧守節撫育成人
咸豐五年城潰氏恐賊污以剪刀刺喉死二子戰沒

周某妻查氏杜宏受妻周氏咸豐五年城轟氏懼賊辱先投
幼子淹水死旋與鄰婦盧戴氏自縊死城復亡骸仍繫縲
間髮膚肢體若初喪然見者異之

陳兆吉妻余氏咸豐五年賊陷城縛其夫殺之氏挺身拚救
大罵不輟賊怒刳其腹時氏方娠兒隨及出啼聲呱呱賊
駭投及走賊會聞之遂下令止刀於是城中得有遺民云

義甯州志

卷之二十七

人物志烈婦烈女

十

安鄉涂望雲妻鄧氏咸豐五年粵匪陷城氏且哭且罵賊執
而轡之子承彬姪媳熊氏救護均被害

西鄉汪平胡道成妻游氏咸豐五年粵匪竄境欲強污之及
脅不從罵賊死

州治徐俊升妻饒氏咸豐五年粵匪圍城氏語媳黃氏曰城
危矣我輩幸自爲計無死於賊也城陷遂自縊死其家十
餘人均殉難

崇鄉石門童九高母鄧氏童慕伊妻盧氏咸豐五年六月賊
犯境焚戮無算氏途遇大罵叢鏑殺之

泰鄉陳亮月妻王氏咸豐五年逆賊竄境氏攜女逃賊追之

及塘借女赴水死

高鄉陳在鳧妻丁氏年四十三夫殂氏撫養子姪成立咸豐五年城陷罵賊而亡

學書溫容妻彭氏咸豐五年城陷容被害氏大聲謾罵賊斷其臂踣地少甦強起復罵賊支解之

州治石敬康女完貞咸豐五年五月城陷氏懼辱以及自裁未殊呼親屬劒而死

朱璧連妻向氏安鄉人咸豐五年五月城陷賊逼不從抱女大罵皆死之

陳世會妻萬氏陳世孚妻劉氏安鄉長茅人饒寓州城咸豐五年城陷萬懼不免一女歲餘搯其喉而死旋與劉同縊

義甯州志

卷之二十七

人物志烈婦烈女

十一

五年城陷萬懼不免一女歲餘搯其喉而死旋與劉同縊於堂少頃賊入萬氏翁陳運訓力拒遇害

州吏陳瑞軒妻熊氏咸豐五年五月聞夫禦賊遇害泣曰夫死義不得生遂登樓挈其子並四歲孫滿貞皆投縊死

查光泰妻某氏州治人咸豐五年城破其夫被戕氏抱尸且哭且罵賊強之從罵益厲斷其臂而死

鄭光循母某氏州治人咸豐五年城陷光循巷戰死氏自縊死時鄰室劉履和妻向氏攜四子赴水死

陳學清妻石氏州治人咸豐五年城陷石被害子甫十歲抱母尸哀哭賊憐而釋之

查青雲子福元妻盧氏查占選妻李氏咸豐五年城陷賊入室擄掠各持梃拒之被殺其合門男婦大小十一人皆殉互見本傳

州治從九鄒秀三妻甘氏子如彭德輝咸豐五年城陷賊入室氏見子被害遂自縊而亡同時王業寬與妻兒女媳九人皆殉焉

陳其勳聘妻石氏徐自邦媳某氏咸豐五年城陷均自縊死自邦媳繩斷墜地復從容理其纓氣立絕

城北某氏者咸豐五年城陷氏抱子死城隍廟楹桶間逾年戍卒拆屋充薪得之猶抱子在懷卒憐而瘞之

義甯州志

卷之二十七

人物志烈婦烈女

十一

州治陳浩生母徐氏高鄉人咸豐五年城陷偕其姑母余陳氏姪女揚鳳揚牡姪孫媳周氏姪孫女煥菊同赴水死

州治余揚蘭母陳氏咸豐五年城陷偕其婦姪徐氏何氏孫媳鄧氏胡氏姪女牡秀均投井死

安鄉龔樹功妻徐氏咸豐五年城陷賊衝入戶氏罵賊不輟賊怒及之穿脇死

周載弁妻胡氏周石珍妻陳氏周芬妻徐氏周南垣妻徐氏女觀蓮均州治人咸豐五年城陷賊至給之從不屈殺之崇鄉梁營香妻周氏咸豐四年粵匪自湖北竄境執氏欲污氏大罵賊怒支解之

仁鄉陳立成妻石氏事舅姑以孝聞居城市縞素如邨嫗於親鄰貧乏時有所給予鄉人賢之咸豐五年粵匪寇州城氏以夫病瞽不任震惶囑其子旭照護之出氏在城助餉饁軍二十晝夜不懈城轟氏持械立戶外賊至且拒且罵賊鋒鏑叢加裂腹破肝死城復詳請旌表

泰鄉文童黃光森妻溫氏咸豐五年城陷其夫兄弟巷戰陣亡氏偕庶姑陽氏赴雲巖寺池池中屍積水涸擬歸縊適賊至氏與庶姑交罵不絕賊怒斷其吭而死城復詳請旌表

州治詹躍天妻李氏咸豐五年四月賊至囑其子望賢募勇

義甯州志

卷之二十七

人物志烈婦烈女 三

防守日夜辛勤城陷氏攜子婦孫等奔逃遇賊執之望賢求以身代賊殺望賢而釋其母李遂投雲巖寺龍王井死州治皮工夫婦佚其姓氏咸豐四年婦慟其夫禦賊陣亡捉及衝入賊壘斬首一級而還五年賊圍城婦登陴罵賊日督團勇戰鬪城陷死之

查易謙妻丁氏咸豐十一年賊執其老翁光楷氏撲捩賊麾及拒之氏不顧益奮賊伸臂且縛遂赴水死適河水暴漲尸漂沒聞者流涕

武鄉吳世英妻黃氏咸豐十一年粵匪竄境氏驚走賊追之奔赴深池死越數日賊去尸浮水面生氣凜然

高鄉劉肇喜妻彭氏咸豐十一年夏粵匪將犯境先備餼糧
昇姑避居里中嶺上明日賊寢逼氏偕妯娌肇琥妻石氏
奔赴姑所途遇賊脅之從氏佯與語至懸崖號姑數聲同
投崖下死時彭年二十八歲石年二十歲

崇鄉陳鄭氏年十七同治四年五月粵匪竄境鄭恐被污赴
明月墩水死後半月舉網得尸顏色如生

武鄉莫遵湛妻王氏家故貧年二十八夫亡質衣營葬尋攜
一子依父母誓不二天越數年子殤氏哀毀氣絕良久乃
蘇厥明沐浴更衣詣舅姑夫主墳所焚香跪哭歸嘔血數
升死

義甯州志

卷之二十七

人物志烈婦烈女 十四

西鄉儒士丁燮妻孫氏年二十六生子二夫故誓不獨生哀
毀致疾未逾月卒

武鄉曾乃九聘妻劉氏年十六未嫁夫卒計至氏痛號累日
投縲而死聞者哀之

仁鄉朱繩正妻陳氏教授玉章女年二十六夫歿哀慟不已
尋亡

武鄉儒童莫遵溪妻汪氏年二十六夫病氏廢寢忘食身不
解帶數月及卒氏決以身殉絕粒數日而終

武鄉莫遵涸妻樊氏及笄適莫事舅姑以孝聞年二十夫歿
氏以死殉舅姑以有遺腹勸慰之乃強起閱月生子忠椽

氏以承祧有人遂絕食數日卒

武鄉張精言妻陳氏年二十一夫沒氏呼天搶地絕粒數日而亡夫弟世雍憫之以子畿墳爲之嗣

高鄉陳文瀚妻姜氏年二十四夫沒子女旋殤氏痛不欲生仰藥妣掬之引刀妣又掬之尋憂鬱成疾卒

高鄉黃億萬妻王氏咸豐五年賊至奔避途遇賊欲污之王蹲地堅抱子女於懷賊奪不釋以及背擊之仍不釋賊怒揮刀大斫徧身血淋立斃子女均被害

黃積達女黃姑年十九未字咸豐五年賊至奔避途遇賊倉皇無所適投野鳴湖塘死之

義甯州志

卷之二十七

人物志烈婦烈女

五

高鄉黃田里余明揚妻黃氏咸豐十一年賊陷城下鄉劫掠氏在途遇賊急投石橋下腦漿迸出而死

高鄉赤江查光集妻張氏咸豐十一年途遇賊將強污之張兩手抓石亂擊如對壘然賊以矛刺之立死

高鄉嵐鄧徐建傑妻何氏咸豐十一年途遇賊欲強污之何雙手抱樹口罵不絕賊怒以矛刺之死賊去氏猶抱樹不釋竝立凜然聞者悼甚

高鄉白沙劉肇才妻余氏咸豐十一年避亂桃樹嶺賊至以手牽其臂余切齒咬之賊及其腹肺腸迸出而死

奉鄉龍坪李壽山妻溫氏隨夫設肆州治咸豐五年城陷氏

懼賊污擣子女並投井死

秦鄉松坪陳安樂妻傅氏咸豐五年粵賊犯境逃避里中鯉魚塘遇賊被害

州治周浴德妻徐氏咸豐五年城陷遇賊於巷大罵不輟賊磔殺之

崇鄉陳葉山女年十六未字咸豐十一年六月寇至脅之從不屈殺之

崇鄉陳仕祥妻鄭氏咸豐十一年六月賊入境氏走避遇賊於屋側塘墪上赴水死

高鄉周鳳齡妻陳氏居城北咸豐五年寇至刺史葉知齡勇義甯州志

卷之二十七

人物志烈婦烈女

六

札飭督守城危語其夫曰吾婦人可殺不可辱遲死難保不辱能不蚤爲之所乎克存汝子以承宗祧周氏之福也遂挈女瑚英赴井死城陷齡陣亡其子被擒官軍收復逃

出
周文彬妻帥氏居城西門咸豐五年賊圍城氏偕鄰婦日夜具送酒食勞苦士卒城陷賊衝門擁入氏揮菜刀砍賊仆地賊眾怒甚叢刃刺殺旋支解之

秦鄉櫟田董魯瞻妻余氏子四女一氏年三十五瞻忽病沒氏慟迫無如何鬱鬱旬餘赴池死

安鄉余作琳繼室陳氏咸豐五年城陷陳濡首受水六十升

珉死之時同殉者其孫世求從孫桐雄再從孫光燮

崇鄉葉兼能聘妻王氏夫病故毀粧易服踵門憑棺痛哭既葬歸母家不食而卒

崇鄉陳映雲妻鄭氏咸豐十一年夏粵匪陷州城擄掠四出氏私與娣姒語曰我若遇賊甯死不受污也後數日賊果至家人驚竄氏遁至東陂河邊回顧賊近知不免遂投崖死

武鄉帥經鉞妻葉氏年十九夫亡剪髮毀容誓死不貳守貞數年以悲痛成疾卒

泰鄉韓繼隆妻陳氏咸豐五年城陷賊犯境適姑病氏獨力

義甯州志

卷之二十七

人物志烈婦烈女七

維持挺身護衛被害咸豐七年詳請旌表

高鄉陳廷彥妻徐氏咸豐五年隨姑避賊山谷賊突至迫不及走氏放聲大罵以身翼姑賊併殺之

高鄉陳廷勳妻彭氏咸豐五年攜幼兒隨姑避賊山谷賊偵至其處氏棄兒草莽中請死免姑賊並刃之賊去路人聞呱泣聲尋獲其兒以歸人以爲節孝所感云

安鄉龔爾玉妻熊氏年十八適龔闕兩月夫亡氏哀痛瀕死者累次服除閉門獨坐絕粒數日卒

泰市徐秉直妻周氏早寡撫遺腹子甫十歲教之讀日以針帶女紅佐膏火咸豐五年賊逼城氏以年少恐汚泣告姑

曰萬一不測姑攜孤出城延翁一綫氏不死賊不容生也
五月城陷再拜姑前攜孤付之曰難事託姑矣婦惟隨吾
夫於地下斷裾赴水死

州治師玉樹妻劉氏生平婉婉慈良富川鍾盛鉅家蕩於水
來甯其妻適患產難無措氏備藥物揀之母子俱全鄰人
賴文龍家數口貧無以爲生氏按日給米歲以爲常工人
樊榮祥患痢疾人皆避之氏囑兒孫輩躬給湯藥滌汙穢
得以全活其他施構助葬濟急恤貧有不可勝數者咸豐
五年夏五月粵匪撲城危甚氏語子曰此生人立大節時
也爾輩宜自計初九城陷氏罵賊被害其子經泉經書亦

義甯州志

卷之二十七

人物志烈婦烈女

六

巷戰捐軀

秦鄉徐肇鈺妻李氏年二十四生子自秦四齡鈺沒氏一痛
幾絕飲食日益衰逾月卒媳黃氏年三十秦病劇繼夫堂
弟之子爲嗣秦沒以孤託之伯姑誓以身殉亦哀毀成疾
卒

冷聲顯妻彭氏咸豐五年氏年逾七旬城陷賊至厲聲大罵
賊怒劈腦死子彥祥巷戰死

廩生徐建功妻何氏咸豐五年城陷罵賊死

陳品節妻張氏咸豐五年城陷攜女梅秀赴七聖廟旁池水
死

劉和軒妻張氏咸豐五年城陷與子德高媳溫氏女恩瑚均
殉

西鄉胡象環妻丁氏年二十八子二夫故苦節撫孤咸豐五
年賊至氏奔避遇賊於汪平罵不絕口賊刃之

高鄉懷遠都會發昇母錢氏咸豐五年賊至母子相依奔匿
深山無何賊徧搜掠勢將逼近遂挈其子投崖死

崇鄉王崇清妻劉氏咸豐五年髮逆入境氏見賊勢凶狠遂
投水死

崇鄉周廣發妻李氏咸豐五年粵匪逼境氏懼汚抱子投塘
死

義甯州志

卷之二十七

人物志烈婦烈女

奉鄉王載移妻張氏生子一年二十七夫故氏痛不欲生寢
柩一月不食卒

仁鄉長潭陳獻章女瓊英年十六未字咸豐五年四月賊至
女扃戶身着數禪下體纏帛數重賊劈門入欲汚之女罵
不絕口以及洞貫其胸死

劉寶輝長女東貞幼有至性事父母以孝聞繡餘嘗誦女誠
篇自儆咸豐五年五月初九城陷東貞恐賊徧汚扃門仰
藥死

劉安茂妻向氏咸豐五年城陷攜三子同服毒死
安鄉萬昌壽妻許氏咸豐五年城陷率其子文明赴戰死氏

旋投纒死

楊公善媳方氏咸豐五年賊撲城氏時姪已七月聞城陷恐賊汚投纒死之夫某被賊擒殺

軍功六品涂逢時母黃氏妻鄭氏咸豐五年五月粵逆陷城氏驚走遇賊於巷啗之從氏大罵賊怒叢矛殺之

胡學書妻冷氏 劉仁普妻冷氏 桂暢華妻丁氏

涂理垣妻龔氏 涂理垣妹鞠秀 查殿雲妻陳氏

溫茂球妻劉氏 查宿生妻陳氏 查易蘊妻胡氏

查遇揚妻何氏 姜玉光妻梁氏 胡心誠妻傅氏

王詡干妻易氏 查行建妻左氏 胡其中妻冷氏

義甯州志 卷之二十七 人物志烈婦烈女 三

游理鳳妻桂氏 林福祥妻某氏 徐肇登妻祝氏

徐肇鏗妻朱氏 謝啟鵬媳黎氏 謝啟煊女曰杜

涂起環妻邱氏 鄭本北妻徐氏 范賢周妻馮氏

查辰姪媳何氏 熊龍慶妻謝氏 王文勛妻何氏

徐廷緒妻胡氏 胡守槐妻陳氏 胡懷仁妻楊氏

徐卜初妻劉氏 陳泰晉妻王氏 陳和雲妻龔氏

何明超妻徐氏 黃高達妻鄧氏 徐朝昇妻劉氏

胡明風妻何氏 桂朝笏妻丁氏 熊谷勳妻童氏

余光林聘妻吳氏泰鄉人咸豐十一年光林被賊掠去已三年矣父母以久無音耗欲改適氏不許強之將嫁氏乘間

投繯死

州署門客侯玉峯妻甘氏咸豐五年城陷玉峯被害氏攜女同赴愛蓮池死

新建鄧秀山妻甘氏咸豐五年時年七十四五月初九城陷賊蜂擁至氏大聲詈賊遂以頭觸柱死

安鄉拔貢鄧永修妻李氏家州城咸豐五年夏永修往鄉辦團賊適至氏具蔬饌犒守兵二十晝夜如一日城陷賊踞

號入室氏拋地上磚擲之賊怒叢鎬亂殺棄諸市崇鄉蒲坑黃象川妻劉氏咸豐六年粵匪竄境衝室劫掠氏

義甯州志

卷之二十七

人物志烈婦烈女

三

偷生計千古猶聞罵賊聲之句

仁鄉東臯冷炳星妻王氏咸豐五年四月十七日粵匪入境王氏夫婦携子避亂於閣家崙賊尋出欲污其身王氏罵賊不輟賊手刃之以手掩面而死

何善謀妻劉氏 何繼煥妻劉氏 何崇超妻劉氏

何功超妻李氏 何陳氏 何劉氏 何邱氏 陳芸妻謝氏

徐輝字妻梁氏 徐質黃妻李氏 徐質黃弟婦梁氏

徐質黃弟婦余氏 徐松宜妻胡氏 徐松宜弟婦雷氏

邱天材妻鄧氏 徐煥文妻朱氏 武鄉時湧泉張妻蕭氏

潘崇林妻溫氏 崇林妹梅秀均上城難

附錄貞女

泰鄉周昆山女緒英幼淑慎婉從姆訓父許嫁朱氏嗣詢知其姑亦周家女於英爲姪女行殊失序遂辭將改字英潛然泣曰婦人之義從一而終甯死不再適也族憐其志爲之計終身予租助之英甘澹泊長素食侍奉庭闈無慚子職暇則閉門靜坐焚香誦經如是者十餘年甲辰年三十
三一日晨起沐櫛趺跏而逝人以爲守貞持素之驗云

義甯州志

卷之二十七

人物志附錄貞女

節孝婦

奉鄉王天定妻溫氏早寡無嗣撫遺腹女奉祖姑及舅姑以孝舅晚舉一子溫爲撫育成立議分產悉不受雍正九年旌表建坊於州治山谷巷又建於大里

仁鄉查田匡藩妻周氏崇祀節孝祠

泰鄉洋湖陳宗瑗妻鄒氏夫沒氏年十九殮棺時即斷髮以見志服闋有諷以改嫁者遂引刀截指以誓姑以痛子而亡遺三女一幼子纔四歲俱撫養成立婚嫁氏生一子芳獻嘗含淚教之曰陳氏兩世唯汝與季叔二人倘不能有成何以慰先人於地下芳獻敬承母命甘貧力學旣冠遊

義甯州志

卷之二十七

人物志節孝婦

庠食餼乾隆二十八年

旌表建坊

府志

崇鄉梁立元妻陳氏夫故氏年二十九計守節四十二載年七十一乾隆十九年旌

生員徐鎮衛妻陳氏夫沒氏年二十六守節四十五載年七十乾隆二十三年旌

高市增生何榜妻劉氏夫沒氏年二十六守節三十一載時年五十六乾隆三十九年旌建坊老道前

奉鄉李其尤妻張氏夫歿氏年二十一子而天繼重姪爲嗣計守節三十四載乾隆四十一年旌表建坊於龍坪石

街頭

儒童周子牛妻盧氏夫沒氏年二十四守節五十七載年八十一乾隆四十三年 旌

武鄉帥匡藩妻周氏生一子夫亡氏年二十四家貧甚母嘗至其家見氏獨啜糠粥嘆曰吾兒命薄子幼飢寒至此何以爲生氏疑母諷之也時方梳櫛氏卽引火烘髮及眉示永矢堅貞之志計守節四十三載乾隆四十三年詳請旌表

武鄉帥匡瓚妻張氏夫沒遺腹生一子八歲而天立姪爲嗣老姑年九十犯鼻衄虔禱於天而愈飲食起居服侍無懈守節四十六載乾隆四十三年詳請 旌表周氏張氏妯

義甯州志

卷之二十七

人物志節孝婦

二

婁守節合建坊於排埠祠側

武鄉懷遠都蕭大斌妻鍾氏夫沒氏年十九子一守節三十載乾隆四十六年 旌表建坊於銅鼓城東

泰鄉曾起修妻陳氏夫沒氏年二十一子一乾隆四十七年 旌

武鄉帥正元妻袁氏夫故氏年二十六子一上事祖姑及舅姑皆得歡心無何相繼而沒氏艱難萬狀喪葬如禮又無何夫二弟與孀母連天晝晝才立貧窶日甚尤懇切訓課藐孤勤學入泮乾隆五十六年有司請 旌表建坊於排埠上街之左

西鄉儒童曹光廷妻余氏年十九于歸二十二歲而寡心如
古井誓不起瀾事舅惟謹始年七十七左右就養不衰夫
沒時子方一歲備歷艱苦撫成之以乾隆五十五年 旌
建坊於本里雙溪西岸

武鄉懷遠都鄒玉陞妻黃氏年二十餘夫死守節撫孤子紹
祖成立乾隆五十六年 旌表建坊於磨溪陞公祠前

奉鄉張大煤妻胡氏夫故氏年二十八苦志訓子凡州中義
舉如文塔浮橋必命子襄助孫曾林立五世同堂苦節三
十三載嘉慶三年 旌表建坊於紫霧觀前

武鄉儒童徐肇樸妻周氏庠生周璞次女夫沒氏年二十一

義甯州志

卷之二十七

人物志節孝婦

三

子二次子早卒以長子之次子嗣之苦節五十四載嘉慶
六年呈請 旌表建坊於遺清門內二十二年生元孫五
世同堂咸頌孝節流光

武鄉監生胡起鳳妻王氏夫亡氏年二十八子三守節三十
一載嘉慶六年 旌表建坊清溪

奉鄉張熒成妻胡氏夫沒氏年十七尙未于歸遂往夫家奉
養舅姑矢志守節四十載嘉慶七年呈報建坊於老屋廠
奉鄉候選縣丞王山妻張氏夫沒氏年二十四守節五十二
載壽七十有七嘉慶八年詳請 旌表建坊於水碧源

西鄉監生孫榮祖妻戴氏夫歿氏年二十八子一守節三十

一載嘉慶十年 旌表建坊塘城坳

仁鄉徐彩五妻匡氏年十六于歸每夕一燈佐讀事翁姑孝養倍至夫沒氏年二十五子元勳方四齡比欲身殉姑力勸乃止氏遂親操井臼勤織紉苦積餘貲家賴以興其課讀嚴而有法嘗執夫遺卷授之曰汝父兩應童試未獲上達臨終命教汝勤學以成厥志汝父手澤猶存何可忘之自是元勳謹遵母教至於成立而其孫濟濟膠庠是皆闡訓之詒也嘉慶十一年州牧賀詳請 旌表給銀建坊查市上街大宗伯萬文恪公題其綽楔曰天錫崇坊氏性好施與如捐貲建橋輸穀濟飢鄉里咸德之守節五十五載

義甯州志

卷之二十七

人物志節孝婦

四

壽八十一

武鄉儒童周繡璋妻袁氏夫亡氏年二十九子甫五歲夫病革時語氏曰我知汝必能相從地下然撫孤全嗣責在汝慎無輕生氏涕泣受命矢志冰霜勤儉操持積而能散子監生鴻業承慈訓嘉慶二年重修里中仁壽橋二十四年捐穀百石於祠權子母以贍族人道光元年置祭田十畝以供祖祀諸凡義舉隨力解囊嘉慶十一年有司上其事給銀 旌表建坊於本里之橋頭舖

安鄉徐完璧妻萬氏夫沒氏年二十七子一庠生桂芬守節二十五年嘉慶十五年 旌

武鄉儒童袁文陞妻陳氏少歸袁生子璘數歲而寡苦節者數十年爲璘娶同里胡起鰲女入門即得姑心璘早喪胡氏年二十餘繼姑守節事姑孝訓其子至於成立嘉慶十六年旌表建坊於東澣堂叔永興令袁珥詩曰松柏有心竹有筠皎皎秋空孤月輪賢母清節差可擬芳行要將彤管陳上有孀始下弱息俯仰事蓄兼一身可憐昔時茹荼者冰霜刻勵幾青春一門雙節古亦少若此嗣徽更苦辛

仁鄉上三儒童朱悅心妻查氏夫病卧年餘氏侍湯藥不離及夫卒絕水漿累日時年二十八翁始年老事之如夫在

義甯州志

卷之二十七

人物志節孝婦

五

時生一子苦志教養成人性尤喜施濟好行善事見有字紙糊窻者以紙易之付流水見捉魚螺者買放諸河孫曾繞膝嘉慶十六年旌

泰鄉陳甯晃妻王氏夫沒氏年二十子一守節四十載嘉慶十七年旌表建坊於洋湖

崇鄉陳美山妻黃氏夫力學而氏勤績書聲紡聲中夜常相應也無何夫疾不起臨危目視黃氏黃氏泣曰生死壽天命也守節婦人之分也夫子有不諱毋戚戚以妾爲慮喪事畢矢志勵操時氏年二十六長子三齡次子甫二月老姑在堂嘗抱孫折足一載未愈氏日夜勤侍湯藥扶持惟

謹撫二子皆能恂恂孝敬嘉慶十八年有司詳請 旌表
卒年六十有六

武鄉懷遠都例貢蕭菁妻謝氏夫沒氏年二十歲子一守節
四十一載嘉慶十八年 旌表建坊於銅鼓西門外蕭宅
傍

奉鄉湖山太學生張問政妻李氏監生李芾之女年二十四
夫歿長子甫六齡次子始誕三日氏痛不欲生舅姑慰之
再三乃已撫二子飲食教誨至於成立常心慈而色嚴及
舅始既老且疾日侍湯藥敬慎無少懈嘉慶十八年呈請
旌表建坊於湖山之北社前

義甯州志

卷之二十七

人物志節孝婦

六

高鄉陳麟佩妻嚴氏夫沒氏年二十二子方五齡獨立捫擋
家政敬事孀姑凡州中義舉必命子貢生大鯤慷慨仗助
守節五十一年壽七十嘉慶二十年請 旌建坊通遠門

外犀津北岸

秦市胡組德妻陳氏夫歿氏年二十四繼姪爲嗣嘉慶十七
年氏故守節二十九載嘉慶十八年 旌表建坊於黃田

秦鄉儒童傅琴堂妻韓氏年十八于歸夫病不起氏呼天號
泣嘔血幾絕救之始甦時年二十有八家極貧夫兄皆早
世有子二長二歲次生僅六月氏紡績鍼紉徹夜不輟撫
二孤成立有老姑夙患痰疾以三子皆喪病益篤氏聞有

名醫盡質粧具不憚道遠延之既死葬祭如禮以嘉慶十九年 旌表建坊於三都市

仁鄉彭采藻妻盧氏夫沒氏年二十九子一計守節五十載
嘉慶十九年有司詳請 旌表給銀建坊於坳頭大塘源
下

奉鄉王浩妻徐氏夫沒氏年二十繼姪爲後茹素終身苦節
五十四載嘉慶二十一年 旌表建坊於寨里

奉鄉劉榮干妻熊氏夫沒氏年二十四子一守節五十一年
嘉慶二十三年 旌

懷遠都李開贊妻郭氏夫故氏年二十一繼姪爲嗣守節三
義甯州志 卷之二十七 人物志節孝婦 七

十一載嘉慶二十三年 旌

武鄉懷遠都贈儒林郎賴錫書妻鄒氏夫故氏年十九于歸
僅七月無嗣以姪繼其後守節三十五載嘉慶二十三年
州牧周請 旌給銀建坊於征村之黃荆洲宅左

仁鄉儒童樊天篤妻幸氏太學生幸待旦之女天篤嗜學早
卒遺孤長四歲次僅一周氏時年二十六誓死靡他虔奉
老姑撫成弱息每勗其子屏翰讀書應舉嘗曰汝父不及
教爾吾所冀於爾者蓋不忘爾父之志也年八十而卒嘉
慶二十四年 旌表建坊於大橋灣

武鄉艾大烈妻熊氏夫故氏年二十五子一守節五十五載

卒年八十嘉慶二十四年 旌

懷遠都李開源妻賴氏夫沒氏年二十三繼姪為子守節四十一載卒年六十三嘉慶二十四年 旌表建坊於洞口

李憲源祠對岸

武鄉懷遠都邱槐英妻洪氏夫亡氏年二十子一冠廷戊辰科武舉守節三十三年嘉慶二十四年 旌表建坊於黃

陂坑

奉鄉張大瑜妻王氏夫故氏年二十四子一守節三十九年嘉慶二十四年 旌表建坊於本里

崇鄉葉中華妻王氏夫沒氏年二十二繼姪為子守節四十

義甯州志

卷之二十七

人物志節孝婦

八

七年嘉慶二十五年 旌表建坊於本鄉管場坵

奉鄉觀溪儒童張坤成妻熊氏年二十六夫卒哀極欲與俱

死以有身或可延夫一綫祀飲恨自活四月得產遺孤家

赤貧閉戶勤紡績易粟減自食以養舅姑撫孤瑾成人年

六十九矣州刺史周澍廉得貞行欲為詳請熊氏不忍夫

短折成己名將使子辭既而曰我侯為政重風化如此貧

嫠婦顧敢以硜硜志阻我侯德意耶嘉慶二十五年

旌

仁鄉彭鑒纓妻石氏夫沒氏年二十八一女無子家貧甚買

棉織布帶以營生自運薪水節衣省食償亡夫積欠數年

後求族中三歲兒撫之殤復哀求於族得一姪爲嗣自夫
亡後一飲一食必先獻於位前旣乃與女餒於位側二十
餘年如一日嘉慶二十五年有司詳請 旌表親族憐其
苦節爲同力建坊

武鄉龔大立妻劉氏夫歿氏年二十六子一守節五十七年
嘉慶二十五年 旌表建黃岡墩

懷遠都賴大紳妻徐氏夫沒氏年二十二遺腹生子芳婚教
成立甫弱冠未育而亡復繼二姪孫爲子立後延師課讀
勤能操作敬奉老姑訓飭娶媳共矢柏舟道光元年 旌
表建坊西門丁田里

義甯州志

卷之二十七

人物志節孝婦

九

武鄉 誥封儒林郎戴立精妻莫氏年二十三歸戴二十九
夫沒長子二歲次甫生五月鞠孤備歷艱辛及長訓以義
方俱成名事舅姑孝養生送死皆如禮守節歷數十年如
一日以道光元年 旌表建坊於銅鼓石下稗洞左山下
武鄉儒童帥載烈妻周氏甫生抱適帥乳育於其姑及夫病
劇祈以身代夫卒孤未及週氏年二十二歲不忍棄其姑
而死適姑病遣兒買葯於市烈風雷雨行經巨樹下甫過
去而樹爲雷碎倒兒歸無恙人以爲孝感所致道光元年
旌表建坊於望仙橋溫泉宅後

武鄉懷遠都儒童謝之瓊妻吳氏夫沒氏年二十四上事舅

姑下撫孤子清儉勤勞漸至小康內外無間言道光二年
計守節四十三載有司詳請 旌表建坊於二十二都青
草堰左岸

仁鄉朱光宙妻陳氏夫故氏年二十六繼姪爲嗣守節四十
八載道光二年 旌

泰市儒童胡效芬妻陳氏夫卒氏年二十七閉戶辟纊孝養
舅姑及舅沒事老姑唯謹繼姪爲嗣守節三十八載道光
二年 旌

安鄉九都黃希魏妻涂氏夫故氏年二十八孝事舅姑撫孤
成立辛苦積累丕振家聲次子際元列入太學諸孫林立

義甯州志

卷之二十七

人物志節孝婦

十

計守節二十八載道光三年呈請 旌表建坊

武鄉生員袁澡妻陳氏庠生陳席珍女年十九歸袁篝燈佐
讀越八年夫病氏割股肉雜羹糜以進卒不起葬畢攜其
所生子翰書泣拜於姑曰以此藐諸孤累老母矣始知其
將殉也滄泣諭以翁遠官叔幼身老爾安得不生且殉節
撫孤難易昭然安得擇其易者以塞責氏不得已鞠躬盡
瘁奉姑教子子翰書領庚子鄉薦官金谿有聲孫曾入庠
序通籍銓部者林立道光三年奉 旌建坊於二十七都
鶴孔同治八年以孫體仁職 貤贈宜人壽七十有七
崇鄉職貢陳慶基妻胡氏年十八歸陳篝燈佐夫讀書夫病

晨夕奉湯藥值夫仲兄鶴鳴在京候選未得音耗夫病且
亟而老姑在堂心益焦急氏忍涕曲慰務得姑歡及夫卒
氏年二十九一子甫十齡慈以撫成仍嚴以訓課事姑十
餘年夫沒後孝敬彌篤喪祭俱盡禮道光三年詳請 旌
表建坊

高鄉徐秋濂妻李氏夫沒氏年二十四痛夫無嗣請於族立
姪以繼其後延師教讀成立孫枝蔚起守節四十一年道
光三年 旌表建坊於杭口市

仁鄉東皋冷茹蓮妻陳氏柏井駙巡檢陳梓女及笄歸冷相
夫讀書年二十五夫卒矢志守貞閉戶不出雖親隣罕覩

義甯州志

卷之二十七

人物志節孝婦

七

其面事舅姑愛敬備至舅沒姑病常在床第氏奉養不離
左右撫四歲孤兒至於成立道光三年詳請 旌表

武鄉蔓江莫錫周妻周氏夫沒氏年二十六引夫佩刀斷食
指截髮入棺以自誓家貧勤苦操作夜無燈燭燃薪紡績
不輟奉舅姑以孝教二子以嚴苦節二十載卒年四十五
道光三年詳請 旌表

仁鄉儒童樊恭駘妻冷氏年十六于歸夫故氏年廿五貞靜
自守孝慈備至訓子孫以詩書守節四十五載卒年六十
九道光四年冬呈請 旌表

以上已旌節孝婦六十名新舊依年分編次其未及請

旌者竝列於後

熊習善妻盧氏三十而寡子在襁褓苦節自勵教課不輟子
奇遇蜚聲膠庠年八十卒

陳氏黃陂方曰春母夫早喪姑性僻而苛陳氏恭謹遜順必
得姑歡貞操寡言孀居數十載年八十餘

以上俱庚申州志

庠生陳懋覺妻周氏明司寇期雍曾孫女年二十七而覺沒
哀痛瀕絕者數次時姑年老慰諭節哀氏乃屏去簪珥衣
龕食糲力撫藐孤凡隣族婚筵席終身不與後子宜仁早
歲成名氏年四十有九卒

庠生胡崇宣妻劉氏年二十而夫沒泣欲身殉服砒三日嘔

義甯州志

卷之二十七

人物志節孝婦

十一

血數升不死妯娌婉慰之曰姑老無嗣養祀將誰托耶氏
洒涕勉從立姪科爲後訓課篤於親生守節四十餘年未
及旌揚卒

陳以蘊曾孫懋光妻周氏徵士孔熙女年二十九寡心貞冰
雪時際寇氛攜兩孤竄徙山庄力持家政安厝祖骸州守
班公嘗紀其事畫荻課子茶茗備嘗長男昌言次男侃言
俱成名奉慈訓樂善不倦屢建義舉子孫累世簪纓均母
之貽也

陳以儻妻方氏年三十寡子幼家貧復遭兵火朝夕熒熒氏
矢志靡他撫子欽鉅力課幼弟越成名後孫濬淇猷及重

孫謨等俱列膠庠壽八十有四

仁鄉朱為爾妻姚氏年二十六夫沒僅舉一兒家事叢脞氏辟纊苦守矢志靡他延師課讀子心典應乾隆丁巳歲貢中丞張學憲李疊旌其廬壽八十五卒

後山廩生余師妻胡氏師力學勞卒氏年二十綜理家政矢志柏舟子肇街克自樹立先緒不墜皆母力也卒年六十高鄉良塘生員陳巽言妻徐氏夫力學早卒徐守義撫孤其子年當就傅欲延名師教之間余先生九玉名不遠數百里延至其家訓子及孫邑之時髦亦多得先生指畫焉氏子孫皆能成立孫惠侯乾隆乙酉舉人補傳

義甯州志

卷之二十七

人物志節孝婦

三

朱尊三妻余氏

生員陳懋蘇妻盧氏

余孟歧妻徐氏

生員陳嘉濬妻吳氏

生員胡崇宿妻余氏胡聖紳妻何氏胡聖緝妻陳氏胡聖繕

妻周氏一門四節竝厲冰霜

以上俱丁巳州志

傅允滙妻韓氏年二十八而寡苦節四十五年臨終沐浴集

子孫勗以孝弟而逝學使于振匾曰荻影霜清

胡伊渭妻何氏年二十三夫亡不食而死

生員張鋼妻胡氏年二十五夫亡奉孀姑姑病瘵氏親為浣

滌所居敝廬大雪椽折墜地氏以身庇姑姑椽傷其背卒無

恙一子亦早卒撫孫成立苦節三十七年

生員何鳴鳳妻陳氏事舅姑孝敬備至年二十四鳴鳳疾不起氏剪髮入棺復投繯不死舅姑亟勸慰之乃躬自紡績積所餘貲修河頭橋以利往來鄉里義之守節二十一年而卒

仁鄉朱光炯妻冷氏年廿五天亡氏截髮入棺矢志不二事姑愛敬備至家雖饒猶勤紡績以所餘貲修義渡守節三十年卒子二均厠膠庠長孫學大領鄉薦

武鄉帶溪太學生胡希相妻李氏年十九夫沒繼夫兄子爲嗣鞠育訓誨愛如已出奉養舅姑終始無違嘉慶元年以

姪夢蘭官 賜贈孺人

補傳

義甯州志

卷之二十七

人物志節孝婦

西

奉鄉龍坪李正先妻王氏王世禮之女年甫笄夫亡撫三歲孤情德慈嚴兼篤教訓有方情字宗善太學生聰敏善屬文著有閩廬集氏卒年八十三

補傳

奉鄉贈文林郎榮欽聖妻王氏年二十六夫沒一子甫七齡氏力持家政茹冰飲雪事姑以孝聞訓子課孫外嚴而內慈孀居數十載笑言不苟卒年九十有三以孫錫鵬貴

賜贈太孺人

補傳

奉鄉港南儒童何超萬妻熊氏夫沒氏年二十二撫子國學生元易勤勞儉約慈訓有方上奉舅姑敬養備至嘉慶十五年州治公建浮橋氏捐田租十五石以備供修之資計

守節六十載卒年八十二傳

游淑襟妻莫氏

向榮蔭妻黃氏

向勝爵妻瞿氏

國學黃茂春妻王氏

熊偉智妻劉氏

饒維溥妻桑氏

饒維治妻周氏

劉湘妻車氏

饒賢章妻許氏

饒肇圖妻鄭氏

以上俱州郡舊志

黃科文妻廖氏夫故氏年二十九撫一子舉六孫有人泮者
守節五十七年壽八十五

吳遜桂妻汪氏生一子周從夫殂氏年二十周從既冠娶媳

義甯州志

卷之二十七

人物志節孝婦

五

汪氏于歸十四年生子一而周從又殂氏年二十七撫子
克遵慈訓始年八十二守節六十二載媳年六十四守節
三十七載冰雪雙清鄉里重之

安鄉胡超哲妻鄒氏夫沒氏年二十三一子甫半齡清操厲
節事繼姑以孝聞苦節六十載如一日卒年八十二

武鄉脉灘劉朝勳妻時氏夫沒氏年二十二撫遺腹子教養
婚娶以成家室貧苦操持已常枵腹奉舅姑必以甘旨守
節六十載孫曾林立卒年八十有三

奉鄉儒童榮瀚寵妻劉氏武鄉善耆劉思朝女既笄歸榮纔
四年生一女而夫亡時年二十六無子繼夫兄之子為嗣

撫教成立備歷艱苦者數十年五旬後族戚憫之欲爲呈明請旌劉氏堅却不允曰吾豈忍幸夫歿以爲名耶事遂寢壽八十餘而終女適帶溪武孝廉胡濟源

黃朝珩妻謝氏生子一夫故氏年二十八敬養舅姑三十年守節五十六載壽八十三

懷遠都葉洪盛妻羅氏夫故孝養尊嫜慈訓諸孤孫枝蕃衍守節五十六年壽八十五子四孫九曾孫十有四元孫一五世同堂節壽延慶

奉鄉張濤成妻熊氏及笄嬪於張饗殮常不繼已而夫死氏年二十二茹荼自守篝燈紡績有子一人爲之娶婦舉二

義甯州志

卷之二十七

人物志節孝婦

六

孫次孫甫周歲而子又沒熊氏撫二孫皆有室次孫傭工隣家歸省祖母遇甚雨渡河溺焉惟長孫是依形影相弔數十年備歷艱瘁力撫二世孤猶延張氏一綫焉年八十有六無疾而卒

仁鄉冷顯聞妻徐氏及笄于歸越八年顯聞卒徐氏誓以死殉其姑盧氏止之曰汝有娠獨不爲宗祀計耶盧常禱於九宮山是夕夢神告曰爾無憂爾新婦當於某月日生男已而果然徐撫遺孤教誨之一一曲承姑志其子孫能繼書香皆徐氏之貽云

武鄉袁暄道妻吳氏夫故氏年二十七撫六歲孤應元窮苦

教讀己亥入泮數年病卒媳亦旋亡又撫二歲孫教育成人苦節五十六載壽八十三

武鄉袁文試妻曾氏夫故氏年十七撫遺腹子家窘甚以鍼紉度日辛勤督課嘉慶三年元夕無疾而卒計守節三十載

儒童朱虞書妻樊氏年二十五夫卒一子纔三歲矢志自守奉事舅姑得年九十三歲鄰里稱之

儒童徐介黃妻查氏孝事姑嫜歷盡艱辛年二十九夫沒長子七歲次甫生三月氏矢志柏舟白首不渝教其子太學生廷標成名守節五十五載

義甯州志

卷之二十七

人物志節孝婦

七

奉鄉大路王均華妻李氏生子一夫故氏年二十四矢志撫養至十九齡天沒乃請以夫弟之子承祀苦節五十三載壽七十八

閩郡丞陳鏞妾沈氏子氏鏞沒沈年二十九教養二子守節五十六載壽八十四子年十九無出守節五十三載壽七十一

高鄉張秀升妻胡氏夫故氏年二十三越四月生一子鞠養成立苦節五十年壽七十三

奉鄉王天斜妻龍氏生子一年二十二夫沒教養婚娶連舉二孫子媳相繼而沒撫孫成立苦節四十九年壽七十二

泰鄉劉象潛妻陳氏廩生陳芳獻女孫孝廉劉學俊之媳也
年十七歸劉次年生一女越一年而象潛卒陳哀毀骨立
服闋後鄰姬見其髻年諷之再醮陳泣曰妾本儒家子側
聞古共姜事矣若誠愛我胡不勉我以大義耶麾之去自
是奉侍舅姑撫成弱女繼小叔之子爲夫後白首完貞里
黨稱之

儒童陳潤東妻胡氏明經硯仙第二女也年二十歸陳未幾
舅姑繼喪事繼姑黃氏惟謹其夫讀父牧臯孝廉書每以
不獲及父在而成名遂鬱鬱賁恨以沒胡氏歸陳纔六年
夫死守節上唯衰年病姑下一子甫三歲艱險孑立爲夫

義甯州志

卷之二十七

人物志節孝婦

六

喪葬俱如禮嘗泣謂姑曰吾不難以一死謝夫子所不即
死者爲老姑與孤兒耳後教其子振家成立值州節孝祠
八圮州刺史李欲謀修葺胡氏聞其事屬其子曰此爾父
未竟之志也立命鼎新之年六十三而卒

儒童邛美山妻鄔氏歸邛克敦婦道夫染沈疴氏每侍湯藥
不就枕年二十六而夫卒誓與俱死其姑止之子方六歲
茹荼撫育值舅病百計求痊不得愈益悲痛後惟與姑相
依始年至八十一事之無少懈嘗爲子聘婦七歲病瘋左
手不療卒歸娶而生子氏代爲襁褓提攜蓋祖母一如母
矣氏無兄弟攜其子營葬其母並囑其後母得失祭掃年

七十有七無疾而卒守節五十二載

安鄉九都彭顯理妻陳氏夫沒氏年二十二道光四年壽七十八計守節五十六載

仁鄉水源儒童朱能久妻萬氏年二十六而夫亡一子方三歲氏貞靜自守不苟言笑翁姑年俱八十餘事之唯謹撫其子俾至成立不爲姑息計守節六十四年壽九十而終上奉鄉江頭太學生王傑貳室吳氏初傑正配榮氏勤能淑慎艱於嗣勸夫置側室聞吳氏之賢幣而歸之柔婉靜穆內外諧和乾隆三十五年夫故氏年二十五所生一子一女辛勤操持事榮氏如姆甚得歡心撫孤成立子立元循

義甯州志

卷之二十七

人物志節孝婦

九

例入太學凡延師禮賓周貧恤困從容調度皆善苦節五十四載年七十有九康健精明孫曾林立長孫欽入郡庠仁鄉東源太學生冷宗魯妻吳氏年二十八夫沒哭泣悲痛幾死者數一子早卒立夫兄之子爲嗣敬事姑嫜晨羞夕膳必精潔以奉撫其子長成令循規蹈矩不爲姑息計年七十萬文恪贈以節壽齊稀匾訓孫曾以詩書壽八十而終

武鄉青洞儒童胡希仁妻王氏年二十六夫故子二長方三齡次僅周歲氏勤儉紡績教養成人辛苦飢寒從無怨色苦節六十載壽八十五

武鄉莫秉彝妻徐氏秉彝客死京邸氏年二十八迎柩歸葬
畢閉戶自經姑覺解免撫育二孤紡績營生母嘗諷以改
適氏拔簪刺兩耳入寸許血流被面於是無敢勸嫁者遂
終身病龔苦節五十一載年七十九

增廣生查賡泰繼妻李氏夫沒氏年二十六貧苦迺以鍼
鬻自給撫賡泰元配盧氏子視如己出克成家室計守節
四十四載卒年六十九

高鄉陳時敏妻張氏夫故氏年二十貧無立錐勤事紡績以
奉孀姑撫養孤子成人苦節三十二載年五十二

泰鄉傅勳燐妻鄒氏年二十六而寡家貧事翁姑有至性二

義甯州志

卷之二十七

人物志節孝婦

三

子孱弱多病一姪甫生四月而母死均能撫養而婚娶之
常勗子姪以孝謹忠厚家無猥薄之風苦節四十五年七
十一卒

安鄉九都涂崇茂妻黃氏夫故氏年二十七堅貞自持四十
九載內外無間言壽七十六

崇鄉大石口何秀萬妻梁氏生子一夫故氏年二十五計苦
節四十九年壽七十三

泰鄉七都徐佑九妻饒氏年二十九生一子一女夫沒氏清
操苦節四十九年如一日壽七十八

泰鄉余德悞妻郭氏生子一夫沒氏年方十八翁姑以氏清

年勸之改適氏號痛不欲生乃止遂親操井臼紡績營生撫孤完配連毓孫枝茹苦數十年閨內不聞言笑聲

高鄉查林橋陳如學妻張氏夫故氏年二十七二子長方五齡次方三月時翁姑既沒辛苦萬狀氏獨力支持勤紡績以教養二子至於成立里閭有賢婦之稱計苦節四十六載壽七十二

奉鄉張煌成妻許氏生子一夫故氏年二十二苦節四十六載年六十七

泰鄉增生徐尙樸妻石氏年二十九夫沒一子佩左僅十齡家故貧又值荒歉勤女紅以自給娶媳余氏生子甫八歲

義甯州志

卷之二十七

人物志節孝婦

三

而佩左卒余氏時年亦二十有九見其始哭子幾喪明愀然曰吾固可以死矣第吾死必重姑憂且予死者以不安與其報死者以一死孰若報死者以未終之養與未絕之祀庶幾了未亡人之責耶自是婦姑相依織紉以資饗殮稍有贏即以分鄰里之貧苦者石年八十餘余亦六十人稱雙節云

奉鄉湖山張維燿妻胡氏夫沒氏年二十一子甫數月以養以教至於有成計守節四十四載年六十五

武鄉陳超梧妻查氏年二十三夫沒無子薄有貲財諸昆欲以子繼之廼立二姪爲嗣家道中落氏無怨言事舅姑朝

夕侍左右私藏金一笏寄母家歲取息養姑自以鍼黹營生三旬九食嘉慶乙亥年六十五病將死告姑曰兒死老姑必無所依兒有寄金願奉老姑備養葬事瘞兒以薄槨足矣嗚咽而卒

高鄉陳廣敷妻劉氏夫沒氏年二十五家窘甚清操自守奉老姑撫幼子始終不易其志苦節五十餘載

高鄉儒童嚴允貞妻張氏張彩蕃之女年十九于歸閱九載而夫沒敬養尊嫜撫孤子克自樹立苦節三十六年壽六十四

仁鄉彭燕東妻張氏生子一夫沒氏年二十三敬事姑嫜孫

義甯州志

卷之二十七

人物志節孝婦

三

曾林立守節四十一年壽六十四

奉鄉江頭王介酉妻許氏夫故氏年二十九無子誓以貞操自勵奉養舅姑繼姪爲嗣教養成人計守節四十二年壽七十一

高鄉李厚河妻嚴氏夫故氏年二十二事姑訓子無違孝慈守節四十一載年六十三

安鄉九都彭瑣祖妻陳氏夫故氏年二十四苦節三十二載卒年五十六

沙溪儒童謝大鵬妻黃氏年二十四夫沒足不出門戶逮事舅姑皆盡道撫二歲孤長成傭力爲生至蔓江沒於水氏

復撫其一孫歷盡坎坷始終不渝

高鄉儒童陳拱裳妻李氏夫故氏年二十四一子甫三月勤勞鞠養苦節三十九載

崇鄉周行遠妻陳氏生子一夫沒氏年二十四終身淡泊素服侍奉老姑惟謹身不出閨闈之外苦節三十六載而終鄭希陸妻陳氏夫沒氏年二十七子十一齡而天繼夫兄三子爲嗣教養備周守節三十六載年六十二卒

武鄉儒童鄧宗堯妻劉氏年二十五夫沒遺孤五齡教養有成翁姑登高壽劉氏奉事惟謹茹苦甘荼五十二年壽七十七

義甯州志

卷之二十七

人物志節孝婦

三

懷遠都賴錫祥妻郭氏夫沒於省垣書館迎柩歸氏始覺痛欲自殞舅姑勸以繼立乃解氏年二十八繼姪甫二齡至七歲病目盲醫不效氏日夜泣跪禱天數月後一目復明年六十四計守節三十五載

奉鄉儒童王楊庭妻胡氏胡濟盈之女夫沒氏痛暈絕者三旋就雉經得救乃免氏時年二十六遂強起持齋誦般若若奉尊嫜以敬訓藐孤以嚴足不踰閨闈者三十六載

武鄉西向周大鏞妻王氏夫卒氏年二十六有子一甫兩週苦志鞠養奉侍姑嫜惟謹計守節三十五年

泰鄉五都橋頭里陳聘三妻余氏夫沒氏年二十八無子繼

夫五弟之子爲嗣視如已出敬事舅姑終其身守節三十三年壽六十一

崇鄉大石口周涵萬妻梁氏生子一夫故氏年二十三撫育成人貞操不倦計守節三十一年

奉鄉儒童鄒星環妻張氏張勝堦女夫沒氏年二十八欲矢志殉夫家人勸以有老姑幼子在赴死易養生難遂勉從而止含貞茹荼計苦節三十年七旬教諭劉給以松節恒貞匾額詳請旌表崇祀節孝祠

仁鄉東源儒童冷元初妻楊氏二十一歲夫卒矢志不貳閉戶辟纒雖家人罕聞言笑敬慎事姑始終弗衰撫其一子

義甯州志

卷之二十七

人物志節孝婦

一

成人守節四十年年六十餘卒

武鄉田畔時本亭妻徐氏太學生徐風孫女二十一歲歸時勤織絰佐夫讀書病亟滄泣請禱願以身代比卒一慟而絕妯娒救之始甦其事舅姑生盡敬而死盡禮夫沒後雖家貧如洗而時薦不缺遺孤惟一女懇懇欲爲夫立嗣夫兄弟哀其志各予一子爲之後計守節三十八載二子俱早卒其媳王氏徐氏各生二子矢志撫之

奉鄉江頭王俊劬妻胡氏年二十七而寡家貧無子氏矢志靡他閉戶紡績自給備歷艱苦者四十餘載享年六十九奉鄉蕭士欄妻胡氏十七歲歸蕭二十六歲而夫卒氏矢志

不二勤儉自守撫三子成人守節三十三年

武鄉黃書聲妻陳氏夫故氏年二十五上事舅姑下撫二子勤儉持家俯裕如苦節三十載年五十五卒

武鄉西向周大鋸妻袁氏夫亡氏年二十五餘生一子家貧甚紡績營生育子成立縞素終身計守節二十七年

上崇鄉王梁義妻吳氏夫沒氏年二十三子生方五月氏矢志不二時翁姑俱老奉養惟謹撫已子及前妻幼子教讀婚配已成家室翁素有痔疾衣禪多汚氏必親爲澣濯及翁沒夫弟集義廬墓三年所需菓蔬衣食氏必手製遣送以成叔志其孝養節操如此

義甯州志

卷之二十七

人物志節孝婦

三五

泰鄉八都儒童劉人杰妻葉氏生女一夫故氏年二十六繼姪爲嗣不壽氏以家世詩禮冰雪盟心敬奉舅姑苦節二十五年

奉鄉榮錫楠妻胡氏生子一夫沒氏年二十八辛勤鞠養敬事尊嫜守節二十二載

奉鄉儒童陳修名妻余氏夫沒氏年二十九奉侍舅姑撫孤成人苦節二十一年

奉鄉龍坪李纘傳妻王氏大里王展臣長女年十八夫沒氏以舅姑年老無人奉養誓不再嫁親操井臼勤紡績以供甘旨既乃撫叔次子家鉅爲嗣教養備至道光四年疾卒

計守節二十三載

泰鄉清水余克諧妻萬氏夫沒氏年二十八撫遺孤成立教
讀婚配氏日運薪水夜勤紡織久漸小康計苦節二十八
載卒年五十六

高鄉查彥紹妻李氏生子二夫故氏年二十九家徒四壁藉
織維以營生計守節五十一年壽八十

武鄉月嶺儒童時從惠妻徐氏生二子夫沒氏年二十七矢
志守節篤課甚嚴長子本駿例入太學事老姑先意承志
辛勤紡績垂老不怠計守節五十一載卒年七十八

懷遠都朱正選妻賴氏生女一夫故氏年二十四繼姪爲嗣

義甯州志

卷之二十七

人物志節孝婦

三

計苦節六十載壽八十三

懷遠都郭京選妻余氏事舅姑以孝謹姑沒哀毀如禮二十
二歲夫亡無嗣氏痛不欲生舅止之勸爲立後乃繼長房
之次子爲嗣已而舅死子方垂髫伶仃孤苦教誨成立無
何子年三十而亡遺弱孫三人氏與媳張氏辛勤撫育余
氏年五十五歿苦節三十三載媳張氏苦節三十四載卒
年六十二人稱雙節云

仁鄉西源儒童鄭獻英妻戴氏年二十二適鄭二十七歲而
夫沒氏矢志柏舟家貧紡織自給事舅姑惟謹撫二孤俱
長成長子鳴謙道光四年入泮守節三十載

高鄉查林橋陳龍川妻孔氏夫故氏年二十一遺腹生一子
榮茂苦志鞠養慈訓肫篤及子弱冠而歿與媳車氏同撫
孤孫成立計苦節六十一載壽八十二

陳榮茂妻車氏夫歿氏年十九生遺腹子廷湖既長入太學
事孀姑孔氏敬養無違嘉慶三年匪教滋擾氏承始命助
鄉勇食穀數十石以資鼓勵計苦節五十一載兩世養孤
人比之柏節筠心

良塘陳鎮廷妻堯氏生子二夫故氏年二十三苦節四十八
載卒年八十一

安鄉劉廷拔妻艾氏生女二夫亡氏年二十三無子立夫兄

義甯州志

卷之二十七

人物志節孝婦

三

子兼萬爲嗣事孀姑以孝謹聞守節四十載卒年六十二
徐自立妻查氏夫故氏年二十八貧無立錐矢志撫孤終身
言笑不苟計苦節四十年

武鄉月嶺儒童時本賊繼室彭氏甫笄適時生二子夫沒氏
年二十五計苦節四十年次子鏐道早卒媳黃氏年廿九
撫其遺孤亦矢志勿貳

奉鄉張尊一妻王氏年二十四夫亡無子繼姪爲嗣守節四
十年壽六十四

懷遠都劉明三妻葛氏生子二夫故氏年二十五教養婚配
備歷艱辛計守節三十三年壽五十七

太學生何津側室劉氏夫故氏年二十八勤儉理家慈訓有方子其盛列入太學守節二十八載

奉鄉榮欽綱妻張氏夫沒氏年二十九撫孤成人終身淡泊苦節三十八年壽六十六

奉鄉觀溪張亮宏妻王氏年甫二十而寡誓不再醮茹苦自甘事尊嫜孝養不衰子瑞成娶李氏年十九而夫又亡矢志一如姑事始鞠子以孝慈聞並勵子勤學姑媳皆青年守節冰雪雙清

仁鄉大橋樊達元妻王氏二十一歲適樊生一子二十六歲夫死氏貞潔自守操肅冰霜事舅姑孝謹無違撫孤成立

義甯州志

卷之二十七

人物志節孝婦

三

守節三十九載

高鄉儒童陳國棟妻張氏生子一夫故氏年二十六教養成
人守節三十五載

武鄉儒童胡齡妻熊氏年十八適胡二十九而夫沒氏矢志
守貞事舅姑以孝撫育二子歷盡艱辛守節四十四年壽
七十三歲

奉鄉大里監生王應賓妻何氏夫沒氏年二十六矢志守貞
閉戶紡績有二孤撫育教誨慈嚴兼備計守節二十四載
泰鄉儒童劉深白妻余氏年二十六夫亡三子俱幼家貧甚
舅姑年老氏躬親紡織奉養舅姑獨力支持貞操數十載

鄰里頌之

高鄉徐崇正妻辜氏夫沒氏年二十八子三俱幼撫養成立
勤儉自持奉養老姑不以家貧而缺甘旨守節五十四年
卒

武鄉袁璠妻趙氏夫故氏年二十四侍奉老姑曾割股療病
撫二孤子窮苦教讀俱能成立計苦節四十六載壽七十
安鄉長茅萬鈞妻陳氏生子二年二十七夫亡家貧甚勤苦
紡績卒能撫孤成人事始周氏以孝聞計守節三十九載
沒年六十六堂姪文恪公立傳以表

以上俱道光甲申志

義甯州志

卷之二十七

人物志節孝婦

无

